



Parlamentuvallitukset 2019

Parlamentuvallitukset pietäh joga nellätty vuottu.

Vallitüksis Suomen kanzalazet vallitah parlamentah 200 kanzanevustajua, kuduat ruvetah piättämäh meijän yhtehizis dielolois.

Vuvven 2019 parlamentuvallitukset pietäh pyhänpiän 14.4.2019.

Ennepäi-änestys Suomes on 3.–9.4.2019 da ulgomual 3.–6.4.2019.

Parlamentan ruado

Parlamentan tärgevin ruado on piästi ilmah zakonat, kudamien mugah yhteskundu rubieu toimimah.

Toine tärgei parlamentan ruado on piättiä valdivon talovusarvivois.

Talovusarvivois miäritelläh, kuspäi valdivo suas dengua da mih dengat käytettäs.

Parlamentu sežo pidäy silmäl valdivon dengoin käyttö.

Parlamentu valliččou muan halličuksen piäministran da pidäy silmäl halličuksen ruandua.

Sen ližakse parlamentu piättäy, midä mieläy Suomen valdivo on äijis European unionan dielolois.

Ken voibi änestiä?

Sinä voit änestiä parlamentuvallitüksis, gu

- olet Suomen kanzalaine; da
- olet täyttänh 18 vuottu 14.4.2019 sah.

Änioigevusilmoitus tulou kodih

Ollou sinul oigevus änestiä, suat sih näh kirjazen kodih.

Kirjazes on änioigevusilmoitus, kuduas on tiedo änestyspaikas valličüksien päivänny.

Samazes kirjazes on luvettelo ennepäi-äänestyskohtis.

Kedä voit äänestiä?

Suomi on juattu 13 valličuspiirih.

Jogahizes valličuspiiris on omat ehoitetut.

Voit äänestiä mostu ristikanzua, kudai on ehoitetunnu parluamentuvalličuksis omas valličuspiiris.

Sinun valličuspiiri ilmoitetah iänioigevusilmoitukses.

Jogahizel ehoitetul on oma ehoitetun noumeru.

Oman valličuspiirin ehoitettuloin noumerat lövvytäh ezimerkikse äänestyskohtis.

Tieduo ehoitettulois suat ezimerkikse lehtilöis, tv-programmois da internetas.

Kodi-äänestys

Ollet niistii libo äijäl läžii, voit äänestiä ennepäi kois.

Sinule pidäy ilmoittuakseh kodi-äänestykseh 2.4.2019, 16 aigassah oman kunnan keskusvalličuskomissiele.

Komissien telefonannoumeru on iänioigevusilmoitukses.

Suat komissielpäi sežo ližätieduo kodi-äänestykseh näh.

Nenga äänestät ennepäi

Voit äänestiä parluamentuvalličuksis ennepäi hos kus ennepäi-äänestyskohtas

Suomes libo ulgomual.

Ota keräle äänestykseh hengilöllizystovestus, ezimerkikse pasportu, hengilökarti libo ajokarti.

1. Ozuta hengilöllizystovestus valličusvirguniekale.
Virguniekku tarkistau sen
da andau sinulles äänestyslipun.
2. Ota äänestyslippu keräle da mene äänestyskoppih.
Kirjuta äänestyslippuh selgieh sen ehoitetun noumeru, kudamua äänestät.
Älä kirjuta äänestyslippuh nimidä muudu.
3. Taita äänestyslippu keskel.
4. Tule järilleh valličusvirguniekan luo.
Häi panou pečätin äänestyslippuh da andau sinulles koričnevoin
valličuskonvertan.
Pane äänestyslippu konvertah, salbua se da kleiče.

5. Valličusvirguniekku andau sinulles ankietan allekirjutettavakse. Allekirjutuksel garantiiruičet, gu olet iče täyttänyh iänestyslipun, suannuh sih pečätin da salvannuh sen konvertan.
6. Lopukse virguniekku panou valličuskonvertan da ankietan yhteh keldazeh konvertah.

Konzu olet iänestännyh, voit lähtie iäres ennepäi-iänestyskohtaspäi.

Nenga iänestät valličuspäivänny

Valličuspäivänny 14.4.2019 iänestyskohtat ollah avvoi 9–20 aigah.

Tarkista iänioigevusilmoitukses, kus sinun iänestyskohtu on.

Voit iänestiä vai sit iänestyskohtas, kudai on merkattu iänioigevusilmoitukses.

Ota keräle iänestykseh hengilöllizystovestus, ezimerkikse pasportu, hengilökarti libo ajokarti.

1. Ozuta hengilöllizystovestus valličusvirguniekale. Virguniekku tarkistau sen da andau sinulles iänestyslipun.
2. Ota iänestyslippu keräle da mene iänestyskoppih. Kirjuta iänestyslippuh selgieh sen ehoitetun noumeru, kudamua iänestät. Älä kirjuta iänestyslippuh nimidä muudu.
3. Taita iänestyslippu keskel.
4. Tule järilleh valličusvirguniekan luo. Häi panou pečätin iänestyslippuh.
5. Pane oma iänestyslippu valličusurnah.

Konzu olet iänestännyh, voit lähtie iäres ennepäi-iänestyskohtaspäi.

Kesbo voit suaja abuu?

Valličusvirguniekat nevvotah sinuu valličuskohtas kui ennepäi-iänestykses, mugai valličuspäivänny.

Valličuskohtas on sežo valličusabuniekku. Voit kzyö händy abuh iänestyskoppih, et iče maltane täyttiä iänestyslippuu.

Valličusabuniekannu voibi olla sežo ristikanzu, kuduan sinä iče olet vallinnuh, ezimerkikse omahine libo lähäine. Abuniekannu yhtelläh ei voi olla ehoitettu libo ehoitetun lähäine. Valličusabuniekku ei voi sanella nikelle, kedä iänestit.

Valličuspeitolližus

Joghine piättäy iče, tahtonougo iänestiä da kedä iänestäy.

Valličuspeitolližus merkiččöy sežo sidä, gu sinulles ei pie sanella nikelle, kedä olet iänestänyh.

Iänestä parluamentuvalličuksis!

(Tagakanzi)

Täs ezittehes sanellah selgokielel iänestämizes da parluamentuvalličuksis 2019.

Ližiä tieduo iänestämizeh näh:

vaalit.fi

selkokeskus.fi

Oigevusministerstvu

Selgokeskus